

*D

- 776 Ez ist **selten worden** naht,
wan **deiz** der sunnen ist geslaht,
sine **bræhte** ie den tac dâr nâch.
al daz selbe **ouch** dâ geschach;
5 er schein in sîeze, lûter, clâr.
dâ streich manec ritter wol sîn hâr,
dâr ûf **blüemîniu** schapel.
manec ungevelschet **vrouwen** vel
man dâ bî **rôten mûnden** sach,
10 ob Kyot die wârheit sprach.
Ritter und vrouwen truogen gewant,
niht gesniten in eime lant;
wîbe gebende, nider, hôch,
als ez nâch ir lantwise zôch.
15 **dâ** was ein wît gesamentiu diet,
durch daz ir site **sich** underschiet:
Swelch vrouwe was sunder amîs,
diu getorste niht **deheinen gewîs**
über tavelrunde komen.
20 het si dienst **ûf** ir lôn genomen
unt gap **si** lônēs sicherheit,
an tavelrunde **rinc** si reit.
die andern muosenz lâzen;
in ir herbergen si sâzen.
25 Dô Artus **messe hete** vernomen,
man sach Gramoflanzen komen
unt den herzogen von Gowerzin
unt Floranden, den gesellen sîn.
die **drî gerten sunder**
30 pflîht über tavelrunder.

D

1 Initiale D **11** Majuskel D **17** Majuskel D **25** Majuskel D

27 Gowerzin] Gowerzîn D

*m

- Ez ist **selten worden** naht,
wan **ez** der sunnen ist geslaht,
si **brâht** ie den tac dâr nâch.
al daz selbe **ouch** dâ geschach;
5 er schein in sîeze, lûter, clâr.
dô streich manic ritter wol sîn hâr,
dâr ûf **ein blüemîniu** schapel.
manic ungevelschet vel
man dâ bî **rôtem munde** sach,
10 ob Kiot die wârheit sprach.
ritter und wrowen truogen gewant,
niht gesniten *in* einem lant;
wîbe gebende, nider, hôch,
als ez nâch ir lantwise zôch.
15 **dâ** was ein wît gesamet diet,
durch daz ir sit **si** underschiet:
welich vrowe **dâ** was sunder *amîs*,
diu getorste niht **dekein wîs**
über tavelrunde komen.
20 het si dienst **ûf** ir lôn genomen
und gap **si** lônēs sicherheit,
an tavelrunde **rinc** si reit.
die andern muostenz lâzen;
in ir herberge si sâzen.
25 dô Artus **messe het** vernomen,
man sach Gramolanzen komen,
den herzogen von Gowertzin
und Floranden, den gesellen sîn.
die **drî gerten besunder**
30 pflîht über tavelrunder.

m n o V V' W

1 Initiale m n V W **25** Initiale V

1 Die Verse 775.21-776.24 fehlen V' **3** si brâht] S'v enbrehte V · ie] ir m **4** al] Aldo n Alle o Als W · dâ] do m n o V W **5** er] Ein n **7** ein] om. V · blüemîniu] blum o blumen W **8** vel] wrowen vel V **9** dâ] do m n o V W · rôtem] roten V **10** Kiot] kyot V W · die] der o · sprach] gesprach W **12** in] om. m n o **13** wîbe] Nider o **14** Verse 776.14-16 kontrahiert zu: Als es noch ir sitt sich vnder schiet o · zôch] gezoch V **15** dâ] Do m n V W · ein gesamet] eine gesamte V **16** si] sich n o V W **17** welich] Wellicher n Swelich V · dâ] do m n o V W · amîs] anus m **18** dekein] do keine n **19** tavelrunde] tavelrunder W **20** ûf] [*]: uf V · ir] irn W **22** tavelrunde] tafelrundes m n o (W) **23** muostenz] mustens n o muszens V mustent W **26** Gramolanzen] gramolantzen m n gramolanczes o Gramaflanzen V gramaflantzen V' gramoflantzen W **27** den] Der m Vnde den V (V') · Gowertzin] gowerczin o (V) (V') gouertzein W **28** gesellen sîn] gesellen min sin m **29** gerten] begerten so n begerten W · besunder] besunden der m

*G

- ez ist **selten worden** naht,
wan **ez** der sunne ist geslaht,
sine bræhte ie den tac dâr nâch.
al daz selbe **ouch** dâ geschach;
5 er schein in sîeze, lûter, clâr.
dâ streich manic rîter wol sîn hâr,
dâr ûf **bluomen** schapel.
manic ungevelschet **vrouwen** vel
man dâ bî **rôtem munde** sach,
10 obe Kiot die wârheit sprach.
rîter unde vrouwen truogen gewant,
niht gesniten in einem lant;
vrouwen gebende, nider, hôch,
als ez nâch ir lantwîse zôch.
15 **ez** was ein wît gesament diet,
durch daz ir site **sich** underschiet:
swelch vrouwe was sunder amîs,
diu getorste niht **deheine wîs**
über tavelrunder komen.
20 het si dienst **nâch** ir lône genomen
unde gap **ir** lônes sicherheit,
an tavelrunder si reit.
die andern muosenz lâzen;
in ir herberge si sâzen.
25 dô Artus **messe het** vernomen,
man sach Gramoflanze komen
unde den herzogen von Gowerzin
unde Floranden, den gesellen sîn.
die **zwêne gerten sunder**
30 pflîht über tavelrunder.

G I L M Z Fr48

1 *Initiale* Z Fr48 13 *Initiale* I 25 *Initiale* I

1 selten] shelten I 2 sunne] sunnen I (L) (Z) · ist] iht Z 3 sine] sinen I Si Fr48 · bræhte] bracht L (Fr48) · ie den tac] den tac ie I e den tac M · nâch] [naht]: nach Z 4 ouch] *om.* I 5 er schein] er erschein I · in] *om.* L · sîeze lûter] shoner suze luter I lutter suszer M 6 dâ] do I 7 ûf] usz M · bluomen] von blumen I blvmine Z (Fr48) · schapel] stapil M 8 ungevelschet] vngeuelschtez I · vel] vil M 9 dâ] do Fr48 · rôtem] roten I Z Fr48 rotē M · munde] mvnden Z (Fr48) 10 Kiot] kÿot G Fr48 kÿot L kyot Z 12 einem] ein L 14 Alsiz yme nach irme lantsite zoch M · lantwîse] lande wise I 15 ez] Da M Fr48 Daz Z 16 ir site sich] sich ir sit I ir site sy M 17 swelch] Welch L (M) · sunder] ane L 18 diu] Dine M 19 über] Vnder Z · tavelrunder] Tavelrvnde L 20 ir] *om.* L 21 gap] gab sy M (Z) (Fr48) 22 tavelrunder] Tavelrvnde L tavelrundir [kome]: rinc M tavelrvnder rinc Z (Fr48) · si] dy M 24 herberge] herbergen L · sâzen] azen L 25 dô] Da M Z 26 Gramoflanze] Gramoflanzen I (M) Gramoflanz L gramoflantz Z Gramoflantzen Fr48 27 von] *om.* Fr48 · Gowerzin] Gowerztzin Fr48 28 Floranden] florianden I 30 über] ob der I ubir der M

*T

- Ez* ist **worden selten** naht,
wan **ez** der sunnen ist geslaht,
si **enbræhte** ie den tac dâr nâch.
al daz selbe **al** dâ geschach;
5 er schein in sîeze, lûter, clâr.
dô streich manec rîter wol sîn hâr,
dâr ûf **ein bluomen** schapel.
manec ungevelschet **vrouwen** vel
man *dâ* bî **rôtem munde** sach,
10 ob Kyot die wârheit sprach.
rîter und vrouwen truogen gewant,
niht gesniten in eime lant;
vrouwen gebende, nider, hôch,
als ez nâch ir lantwîse zôch.
15 **daz** was ein wîter gesamet diet,
durch daz ir site **sich** underschiet:
welchiu vrouwe was sunder amîs,
diu getorste niht **dekeine wîs**
über tavelrunder komen.
20 hete si dienst **ûf** ir lôn genomen
und gap **si ir** lônes sicherheit,
an tavelrunder **rinc** si reit.
die andern muosen ez lâzen;
in ir herberge si sâzen.
25 Dô Artus **hete messe** vernomen,
man sach Gramoflanzen komen
und den herzogen von Gauwerzin
und Floranden, den gesellen sîn.
die **drîe riten sunder**
30 pflîhte über tavelrunder.

U Q R

1 *Initiale* U R 25 *Initiale* U R

1 Ez] Vz U · worden selten] seldom worden Q (R) 2 wan ez] Wandes R · sunnen] sunne Q 3 enbræhte] brechte R 4 al] Als Q · al dâ] auch do Q ye R 5 er] Ein Q · schein in] schen ye R 7 ein] *om.* Q von R · schapel] spappel R 8 ungevelschet] vngfelscher R 9 dâ] do U Q R · rôtem] raten Q 10 Kyot] koyt U 11 truogen] [trurgen]: trugen Q 13 gebende] gebute Q 14 ez] es R 15 daz] Do Q Da R · wîter] weyt Q (R) · gesamet] gesammete R 17 sunder] von sunder R 18 getorste] getroste U Q ::st R 19 tavelrunder] davelrunderer U 20 ûf] vnd uff Q · lôn] dinst U 22 si] die Q 23 muosen ez] musten Q muszent R 24 *nach 776.24*: Die andern musten laszen Q 25 hete messe] messe hett Q (R) 26 Gramoflanzen] gramofflantzen Q Gramoflanczen R 27 von] *om.* U · Gauwerzin] Gauwerzin U kawerzin Q goverzin R 28 und] Von Q 29 riten] gerten Q R